

Adroddiad i'r	Pwyllgor Safonau
Dyddiad y cyfarfod	2 Rhagfyr 2022
Swyddog / Aelod Arweiniol	Gary Williams, Swyddog Monitro
Awdur yr adroddiad	Lisa Jones, Pennaeth y Gwasanaethau Cyfreithiol a Democrataidd
Teitl	Ombwdsmon y Gwasanaethau Cyhoeddus - 'Ein Canfyddiadau'

1. Am beth mae'r adroddiad yn sôn?

- 1.1. Cyflwyno'r adran 'Ein Canfyddiadau' ar wefan Ombwdsmon Gwasanaethau Cyhoeddus Cymru (yr Ombwdsmon)

2. Beth yw'r rheswm dros wneud yr adroddiad hwn?

- 2.1. Rhoi gwybod i aelodau am yr adran 'Ein Canfyddiadau' ar wefan yr Ombwdsmon sy'n disodli'r Coflyfr Cod Ymddygiad blaenorol.

3. Beth yw'r Argymhellion?

- 3.1. Bod y Pwyllgor yn nodi cynnwys yr adroddiad.

4. Manylion yr adroddiad

- 4.1. Bydd Aelodau'r Pwyllgor yn ymwybodol bod yr Ombwdsmon yn arfer cyhoeddi'r 'Coflyfr Cod Ymddygiad' (y Coflyfr) yn chwarterol yn amlinellu crynodeb o'r materion a ymchwiliwyd gan yr Ombwdsmon a chanlyniadau'r ymchwiliad.

- 4.2. Ystyriwyd bod y Coflyfr yn adnodd defnyddiol i roi gwybod i aelodau etholedig, y cyhoedd a phwyllgorau safonau am y mathau o gwynion a gaiff eu hymchwilio a chanlyniadau'r ymchwiliadau hynny.
- 4.3. Mae'r Ombwdsmon bellach wedi rhoi'r gorau i gyhoeddi'r Coflyfr ac yn hytrach wedi creu adran 'Ein Canfyddiadau' ar ei gwefan, gellir cael mynediad at yr adran hon drwy wasgu'r ddolen ganlynol: [Findings \(ombwdsmon.cymru\)](https://www.ombwdsmon.cymru/Findings)
- 4.4. Mae'r adran 'Ein Canfyddiadau' yn cynnwys cyfleuster chwilio lle gellir chwilio am fanylion achosion a ymchwiliwyd gan yr Ombwdsman yn ôl pwnc, awdurdod, canlyniad, dyddiad a chyfeirnod. Mae'r adran yn cynnwys bob mater a gaiff eu hymchwilio gan yr Ombwdsmon, nid materion yn ymwneud ag Ymddygiad yn unig.
- 4.5. Mae'r adroddiad hwn yn berthnasol i'r cyfnod rhwng 1 Gorffennaf a 1 Hydref 2022. Mae'r adran 'Ein Canfyddiadau' ar wefan yr Ombwdsmon yn cynnwys crynodeb o'r achosion sydd wedi cael eu hymchwilio gan yr Ombwdsmon, ac wedi'u rhannu i'r categorïau canlynol:

Uniondeb	1
Cydraddoldeb a pharch	3
Dyletswydd i gynnal y gyfraith	2
Atebolrwydd a Thryloywder	1

- 4.6. Gellir categorio'r canlyniadau fel a ganlyn:

Rhoddwyd y gorau i'r ymchwiliad	1
Nid oes angen gweithredu	5
Cyfeiriwyd at Bwyllgor Safonau	1
Cyfeiriwyd at Banel Dyfarnu Cymru	0

- 4.7. Mae dyfyniadau perthnasol o'n tudalennau Ein Canfyddiadau ynghlwm fel Atodiad 1 er gwybodaeth. Nid oedd unrhyw un o'r achosion yn ymwneud â chynghor yn Sir Ddinbych.
- 4.8. Un achos a fydd o bosibl o ddi-ddordeb arbennig yw'r cwyn mewn perthynas â dyletswydd i gynnal y gyfraith yng Nghynghor Tref Llanymddyfri, a gafodd ei gyfeirio at Bwyllgor Safonau'r Cynghor mewn perthynas ag achos o fynd yn groes i baragraff 6(1)(a) a arweiniodd at wahardd yr Aelod o'i waith am ddeufis a gofyn iddynt fynychu hyfforddiant.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Nid yw'r adroddiad yn cael effaith uniongyrchol ar y blaenoriaethau corfforaethol.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Nid oes unrhyw gostau yn gysylltiedig â'r adroddiad hwn.

7. Beth yw prif gasgliadau'r Asesiad o'r Effaith ar Les?

- 7.1. Nid oes angen asesiad ar gyfer yr adroddiad hwn.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Nid oes unrhyw ymgynghoriadau wedi eu cynnal mewn perthynas â'r adroddiad hwn.

9. Datganiad y Prif Swyddog Cyllid

- 9.1. Fel y nodir yn adran 6.1, nid oes goblygiadau ariannol uniongyrchol i'r adroddiad hwn.

10. Pa risgiau sydd ac a oes unrhyw beth y gallwn ei wneud i'w lleihau?

- 10.1. Nid oes unrhyw risgiau yn gysylltiedig â'r adroddiad hwn.

11. Pŵer i wneud y penderfyniad

11.1. Nid oes angen gwneud penderfyniad.